


# Kalapana

Ke Keiki Ho'opāpā o Puna  
Puke 2



Ho'opuka 'ia e Ke Ke'ena Kaiapuni  
Kaha 'ia nā ki'i e Dukie Akioka



'O Kalaniali'iloa ke ali'i o Kaua'i. Kaulana 'o ia i ka ho'opāpā. 'A'ole na'e 'o ia akamai loa i ia hana no laila, ki'i kekahi 'elele iā Halepāiwi lāua 'o Halepāniho, he mau loea ho'opāpā. Lilo lāua i mau kumu ho'opāpā na Kalaniali'iloa.




He make'e ko Kalaniali'iloa e kūkulu 'ia kekahi pā iwi kanaka no ka hale ona. I mea e kō ai ia makemake ona, ho'ohiki ke ali'i, inā e pā ke kanaka, e make 'o ia. Inā pū e pā 'o Kalaniali'iloa, e make nō 'o ia.



Lohe 'o Halepākī no ka make 'ana o  
Kānepōiki iā Kalaniali'iloa. No kona kaumaha  
loa, ua hele akula 'o ia e na'au'auā hele. Hiki aku  
'o ia i Kalapana a hui me kekahi wahine, me  
Ke'alaokahīnano. Ho'aikāne lāua kekahi i kekahi.



Hānau ihola 'o Halepākī he keikikāne. Na Ke'alaokahīnano i kapa aku i ka inoa o ke keikikāne 'o Kalapana kona inoa.



I ka pā'ani 'ana me nā keiki 'ē a'e,  
ho'ohenehene lākou iā Kalapana i nā inoa 'o  
'Oāmakua'ole, a i 'ole 'o 'Akekekemakua'ole.  
Ho'i akula 'o Kalapana i kauhale a wehewehe  
aku 'o Halepākī e pili ana i ka make 'ana o ko  
Kalapana makua kāne, o Kānepōiki.



'O ia nō ka mea nāna e kū ai ho'i 'o kāna mākaia. A'o lāua i ka ho'opāpā a pa'a ka 'ike a pau o Halepākī iā Kalapana. 'Ike 'o ia i ka walewaha o kāna keikikāne i ka ho'opāpā. Ki'i 'o Ke'alaokahīnano i wa'a no Kalapana. A laila, ho'omākaukau 'ia ka wa'a a me nā lako ho'opāpā e pono ai.



Ho'ō ihola 'o Halepākī i nā mea a pau i loko o ka ipu hōkeo, 'o Lonoaipu. Ho'ouna 'ia 'o Kalapana iā Kalaoa i mea e a'ō ai i ka 'ike i koe ma mua o kona hele 'ana i Kaua'i.

Holo ka wa'a o Kalapana a pae akula 'o ia i Holo Pali Kū ma ke awa 'o Hanawī.





'Imi hele 'o ia iā Kalaoa. I ka hui 'ana o lāua, hū ke aloha o Kalaoa no kona kaikaina, no Halepākī. I kona 'ike 'ole 'ana iā ia, 'ī aku 'o Kalaoa i ke keiki, "Auē nō kā ho'i ke aloha o ke kama i ka 'au ho'okahi 'ana mai i ke kai ē!"



Ho'omaka koke 'o Kalaoa i ka ho'opāpā 'ana me ke keiki. Pa'i a pa'i ka loa'a, aia i ka wana'ao, 'ōlelo 'o Kalaoa, "Ua pau loa nō nā hana ho'opāpā i ka pa'a iā 'oe a eia wale nō nā wahi mea i koe." A'o 'ia ka 'ike no ka moku kele i ke kai a me ka 'āina makani nui e ia.

A pa'a ka 'ike a pau o Kalaoa i a'o aku ai iā ia, aloha akula 'o Kalapana i kona makuahine makua a holo akula i Kaua'i.

Eia kā Halepākī 'ōlelo ma mua o ko Kalapana  
ha'alele 'ana no Hilo:

E ke keiki, he nani ia ua pau loa ka'u wahi  
'ike iā 'oe, no laila, e holo 'oe i ko makuahine  
makua i Hilo, iā Kalaoa, no ka mea, 'o ia a  
me nā kaikunāne o māua kai a'o mua 'ia e nā  
mākua o mākou i ka ho'opāpā a ua 'oi a'e  
kona 'ike i kēia hana ma mua o'u. Mālia paha  
aia iā ia kekahi mau hana ho'opāpā i koe. O  
hele a ho'i mai me nā iwi o ka makua.